

98

## XX XI.

**T**abulam hanc marmoream bifariam divisam, ac aliquibus literis in ipso medio mutilam Hieronymus Arditius in iis, quas alias laudavi, MSS. annotationibus testatur repertam fuisse A. D. 1565. ad D. Claz, cum aliis basibus, ac marmoribus pulcherrimis, quorum maxima pars a Republica Fanestri postea animose comparata, cessit in opus fontis, qui in majori illius Urbis platea conspicitur.

Vulgavit primus hanc Inscriptiōnem Grut. p. CCCCXLVII. 6. sed fœde corruptam; posterius fragmentum iterum dedit p. MCIII. 4. Emendatiōrem edidit Fabrettus Inscript. Dom. cap. X. 207., nec tamen emendatissimam. Demum Gorius rursus illam in Syntagm. Doniano Cl. V. 16. recudit; verum nec is punctum tulit, ut apparebit. Gorius insuper annotatione suā Inscriptiōnem nostram exornavit, quam hic, ne doctissimi viri commentatione nostreates fraudentur, integre describo.

P. Alfius Semnianus, Equo publico ornatus, Quaestor, Duumvir, Quinquennalis Pisauensis in Camilia Tribu census fuit, quem biga posita honoravit Plebs Urbana Pisauensium ex ore contante Decreto Decurionum. Scatet pluribus mendis hac Inscriptio apud Gruterum in 6. CCCCXLVII. non paucis item apud Fabrettum Cap. X. n. 207. In alio Gruteriano lapide eadem honoris causa exprimitur dedicationis Bigae posita in honorem præstantium virorum in 1. p. CCCLII., in qua T. Ancharius Priscus laudatur, CVI PRIMO IN VIRO BIGA POSITA OB EXIMIAS LIBERALITATES ET ABUNDANTISSIMAS SINE EXEMPLO LARGITIONES, que ipsa verba in hoc quoque lapide occurunt. BG POS hoc est BIGAM POSUIT, vel BIGA POSITA quod magis placet. Viris igitur egregie de Republica meritis, qui insigni aliquo beneficio populum sibi devinxisset, largitiones dedissent, itemque spectacula, ludos, & munera gladiatoria edidissent, posita fuit in eorum honorem biga addito titulo, & Inscriptione in Theatris, in Basilicis, in Foro, & in loco Coloniae, vel Municipii maxime conspicuo, ut in memoria posterorum aeternum viventer. In bigis posita effigies ejus Viri, qui tanto honore ornabatur, ut ex marmore Gruteriano collegit Cl. V. Valerius Chimentellius de Honore Biselli Cap. XLI., quo de Bigarum honore in honorem illustrium virorum postarum luculenter differuit. Hac Gorius.

P. ALFIO en primum Gruterianæ editionis mendum, habet enim PALPIO.

CAM.